

Poste di burchi et magazeni.

Castello per poste 6	ducati	56
San Marco per poste 2	»	44
Canareio per poste 4	»	52
San Polo per poste 1	»	6
Santa Croce per poste 3	»	38
Ossoduro per poste 11	»	60

71

Poste de malvasie.

San Marco per poste 3	ducati	11
Castello per poste 4	»	30
Canareio per poste 4	»	13
San Polo per poste 3	»	9
Santa Crose per poste 3	»	37
Ossoduro per poste 3	»	3

Summa ducati 114

Summa summarum ducati 3200

Dechiarando che per le poste de li vini et malvasie, se in caso alcuno di esse si havesse a diminuir overo a cresser, medesimamente la quantità di danari sia acresuta overo diminuita per rata di la quantità de i danari, talmente che si habbia la integra summa di la quantità sopraseritta.

Fo balotà do volte. Ave 17, 6, 1. Et la terza volta ave 18, 6, 0. Fu presa.

72') Fu far uno di Zonta in luogo di sier Zuan Vituri è proveditor zeneral in Puia, fino el vegni, insieme con quello manca, in luogo di sier Pandolfo Morexini è cazado con sier Zuan Francesco Morexini, è intrado del Conseio ordinario. Tolti numero 28: perchè vol li do terzi de le ballote, niun rimaseno: fo de i meio sier Jacomo Michiel fo Cao di X et sier

Item volseno far do proveditori sora le Biave per uno anno, et non fu tempo.

A dì 21. La matina. Do, di peste, lochi nuovi, tra li qual in caxa del sante Scipion da Martinengo brexan a San Marsilian, et di altro mal, et fo bandito di ordine di proveditori sora la Sanità alcune ville del trivixan et de visentina.

*Di Rimano, fo lettere di sier Gasparo Con-
tarini orator, di 19.* Come il papa era zonto li,
partì a di 16 da Cai per Fossimbruno, et poi è ve-

(1) La carta 71' è bianca.

nuto li. Scrive, il reverendissimo Santa Croce esser zonto da Sua Santità, partì da Piasenza, a exortar Soa Beatitudine vadi presto a Bologna, qual non saper il suo partir di Roma. Scrive doman anderà a Cesena, poi Forli et Imola, et sabato sarà soto Bologna, ma la intrada in pontifical farà domenege a di 24 di l'istante. Scrive haver lasato andar avanti il reverendissimo Grimani et restato li col papa. Scrive colquii hauti con Soa Beatitudine.

Di Brexa, del proveditor zeneral Nani, di

19. Come il capitano zeneral stava al solito meio.

Di Cremona, di l' orator Venier, di 19.

Come il duca ha auto lettere da Piasenza del Sacho suo orator, di Li scrive, l'imperador è contento far le trieve con la Signoria et lui, con questo la Signoria pagì il suo exercito in tempo di le trieve; et che il duca li ha scritto questa cosa non esser da parlar, perchè non è honesto che con li danari di la Signoria si nutrisse le sue zente.

Vene l' orator del duca di Milan, solicitando di haver li ducati 5000.

Vene l' orator del duca di Urbin dicendo la bona volontà del suo patron, sicome mandò heri la lettera in Conseio di X, di venir a Verona.

In Quarantia Criminal fo dà taia di uno corpo morto, fo trovato fin questo mazo passato in canal grando al Spirito Santo con una piera di lire 100 al piè et strangolato con una cintura di spada al collo, era zovene di anni 24, con uno borichio indosso, taia chi acusa lire 1500 et havendo la verità lire 2000.

Da poi disnar fo Pregadi et leto le lettere sopraseritte, nè vene alcuna lettera, nè li Savii veneno in Pregadi ma steteno da basso a consultar, et in questo mezo mandono a dir si facesse 5 Savi sora la mercadantia. Qual fato, fo licentiato il Pregadi, nè altro fu fato.

Scrutinio de 5 Savii (sora) la mercadantia di 72
quelli del corpo di Pregadi.*

Sier Vicenzo Polani è di Pregadi, qu.	
sier Jacomo	80.103
Sier Alvise Dolfin è di Pregadi, qu. sier	
Hironimo	106. 71
Sier Piero Bragadin fo consier, qu. sier	
Andrea	103. 73
† Sier Stefano Tiepolo è di la Zonta,	
qu. sier Polo	114. 54
Sier Andrea Bragadin fo al luogo di	